

Faaydaalee Tawhiida-Kutaa 4

Description

8ffaa- Tawhiidni karaa Rabbii Guddaa garmalee itti ol-guddisan (kabajanii) fi jaallatanii dha

Tawhiinni jaalalaan, sodaan, kajeellaa fi hojiwwan ibaada birootiin Rabbiin Tokkichoomsu waan taâ€™eeef, namni tawhiida qabu qalbii isaa keessatti Rabbiin caalaa wanti guddaan garmalee jaallatamaa, kabajamaa fi sodaatamaa taâ€™ee hin jiru. Namni tawhiida qabu, sifaata (amaloota) Rabbiif maluun Isa ibsa (wassafa), wanta Isaaf hin malle irraas Isa qulqulleessa. Shirkiin guutumatti faallaa kanaa waan taâ€™eeef, namni shirkii hojjatu kabajni inni Rabbii isa uumeef qabu baayâ€™ee xiqaadha. Dhugumatti wanta hunda caalaa jaallatamu, kabajamuu fi sodataamu kan qabu Rabbii Tokkicha. Sababni isaas, kan fayyadu fi miidhu, olkaasu fi gadi buusu, kennuu fi dhoowwatu, nama qananiisu fi kunuunsu Rabbiidha. Akkasumas, amaloota guutuu hanqinna wayitu hin qabneen kan ibsamu Rabbii Tokkicha.

Ati jirenyaa keessatti nama waan gaarii siif godhee fi amalli isaa baayâ€™ee yoo sitti tole, hangam nama kana jaallattaa? Dhugumatti waan gaarii ati jaallattu waan siif fidee fi amala gaarii waan qabuuf garmalee jaallatta. Rabbiin hoo subhaanahu wa taâ€™aala maal akka siif godhe itti xinxallitee? Jalqaba bishaan dadhabaa irraa si argamsiise. Ergasii qalbii haadha fi abbaa keeti keessatti rahmata godhe. Rahmata kanaan siif mararfatu, si guddisu. Bishaan qabbanaaâ€™a samii irraa buusun si obaasa. Biqiltoota biqilchuun soorata siif godhe. Kunuunsa kana caalaa wanti guddaan Inni nuuf godhe maal akka taâ€™ee beeknaa? Dhugumatti kunuunsa qalbii fi ruuhiti. Kitaaba buusu fi ergamtoota erguun karaa qajeelaa fi gammachuu qabuutti nuu waama. Nama waamicha kanaaf awwaate, kabajaa fi qananii guddaa ijji takku hin agarre, gurri gonkumaa hin dhageenye, qalbii namaa keessa hin qaxxaamurre Jannata keessatti siif qopheesee jedhaan. Dhugumatti kuni kunuunsa guddaa akka Isa jaallatanii fi garmalee kabajan nama taasisuudha. Karaan Rabbiin itti jaallatanii fi kabajan tawhiida. Kana jechuun Isa tokkichoomsuni.

Qalbii keessatti kan wanta hundaa caalaa jaallatamuu Rabbiin qofa yoo taâ€™e, dhugumatti kuni gara Isa ol-guddisutti (garmalee kabajuutti) nama geessa. Garuu faallaa kanaa, qalbii keessatti Rabbiin ala wanti biraa garmalee yoo jaallatame, kuni Rabbii guddaa ol-guddisuuf (garmalee kabajuuf) bakka hin kennuufi. Kanaafi, shirkii hojji garmalee gadhee Rabbii guddaa akka hin kabajne nama taasisuudha. Sababni isaas, shirkii jechuun wanta Rabbiin ala jiruu Rabbiin wal-qixxeessu fi itti fakkeessudha. Rabbiin immoo Tokkicha fakkaataa fi qixxaataa hin qabneedha. Akkasumas, shirkii waaâ€™ee Rabbii ilaachisee yaada badaa akka qabaatan nama taasisa. Fakkeenyaaaf namni nama duâ€™e kadhatu, Rabbiin kadhaa kiyya hin dhagahu, nama duâ€™e kanatu Rabbiin biratti jaarsummaa (shafaâ€™aa) naaf taâ€™aa jedhee yaada. Dhugumatti kuni yaada fokkuudha. Kanaafu, namni shirkii hojjatu Rabbitti waan biraa waan fakkeesee fi yaada badaan waan Isa shakkeef kabaja Rabbiif maluu hin kabajne. Rabbiin ni jedha:

وَمَا قَدَرُواْ أَلَّهَ حَقَّ قَدْرِهِ وَالْأَرْضُ جَمِيعًا قَبْضَتُهُ وَيَوْمَ الْقِيَمَةِ

وَالسَّمَاوَاتُ مَطْوِيَّتٌ بِيَمِينِهِ سُبْحَانَهُ وَتَعَالَى عَمَّا يُشْرِكُونَ ﴿٦٧﴾

â€œIsaan Rabbiin guddinna Isaaf malu hin guddifne (hin kabajne). Guyyaa Qiyaamaa dachiin guutuun qabaa Isaa keessa taati; samiinis mirga Isaatiin maramtuudha. Inni qulqullaaâ€™e, waan isaan Isa waliin gabbaran irraas oltaâ€™e.â€¢ Suuratu Az-Zumar 39:67

Rabbiin subhaanahu wa taâ€™aalaa kabaja Isaaf maluu mushrikooni kan hin kabajne taâ€™uu ni hima. Guddinna isaaf maluu hin guddifne. Garuu kana irra wanta kana faalleessu hojjatan. Kunis wanta amalaan fi hojii isaatiin hanquu taâ€™e Rabbiin waliin gabbaran. Amalli wanti isaan gabbaranii gara hundaan hirâ€™uudha. Hojiinis yoo taâ€™e, wantoonni isaan kadhatanii fi gadi jedhaniif kanniin nama fayyaduu fi miidhu, waa namaaf kennuu fi dhoowwachuu hin dandaâ€™an. Fakkeenyaf, warroonni Rabbiin dhiisanii taabota, nama duâ€™e, awliyaa, malaykaa fi kkf gabbaran, Rabbiin kabaja Isaaf malu hin kabajne. Sababni isaas, uumamtoota gara hundaan hirâ€™uu taâ€™an kanniin Rabbii guddaan wal qixxeessan. Guddinna fi Dandeetti Isaatirraa kan kaâ€™e, Guyyaa Qiyaamaa dachiin guutuun qabaa Isaa keessa taati. Samiin garmalee balâ€™attuu fi guddattu tunis harka mirgaa Isaatiin maramti.

Ergamaan Rabbii (SAW) akkana jedhan: â€œGuyyaa Qiyaamaa Rabbiin dachii ni qaba, samiis harka mirgaa Isaatiin ni dachaasa. Ergasii ni jedha: Ani Mootiidha, eessa moottonni dachii?â€¢ [Sahih Al-Bukhaari 7382](#), [Sahih Muslim 2787](#)

Rabbiin guddaa homtu Isa caalaa guddaa hin taane fi Isaan hin qixxoofnedha, wanta hundaa irratti dandaâ€™aa fi Mootii waan hundaati. Wanti hunduu qabaa fi dandeetti Isaa jala jira. Namni Rabbii guddaa dachii guutuu qabuu fi samii garmalee balâ€™attu tana maruutti waa qixxesee dhugumatti kabaja Isaaf malu hin kabajne. Isa caalaa namni zaalimni hin jiru[1].

â€œInni qulqullaaâ€™e, waan isaan Isa waliin gabbaran irraas oltaâ€™e.â€¢ Wanta namoonni Rabbiin waliin gabbaranii fi Isaan wal-qixxeessan irraa Inni qulqullaaâ€™e, oltaâ€™e.

Rabbii nama uumee fi qananiisu dhiisanii wanta biraa garmalee jaallachuu fi wanta kanaaf of gadi qabuun dhugumatti fokkinnaa fi jallinna. Namni akkamitti Rabbii Guddaa isa uumee, qananiisu, fi fayyaduu dhiise wanta homaa hin uumne, isa hin fayyanne fi hin miine kadhataa, garmalee jaallataa, isaaf of gadi qabaa?

Mallattoo Rabbiin ol-guddisuu (garmalee kabajuu) agarsiisan keessaa tokko wanta Inni itti ajaje hojjachuu fi wantoota Inni irraa dhoowwe dhiisudha. Namni wanta Rabbiin Guddaa itti ajaje hojjatu fi wanta Inni irraa dhoowwe dhiisu, Isa ol-guddisaa (kabajaa) jiraa jechuudha. Namni Rabbiin faalleessuun wanta badaa hojjatuu fi wanta Inni itti ajaje hin hojjanne immoo Rabbii Guddaa kabajaa hin jiru. Kanarraa kaâ€™uun, wantoonni Rabbiin ol-guddisuu qalbii keessatti laaffisan afuri:
1Ifaaâ€“ Shirkii- shirkiin wanta biraa Rabbitti qixxeessu waan taâ€™eef kabaja Rabbiif qaban qalbii

keessaa haxaawa. Kanaafi, namni shirkii hojjatu kajaba Rabbiif maluu waan Isa hin kabajneef osoo hin tawbatin yoo duâ€™ee zalaalamii Jahannam keessa jiraata. Rabbiin kanarraa nu haa eegu.

2ffaaâ€“ Hojii Rabbiin itti ajaje hojjachuu dhiisu- Namni wanta Rabbiin itti ajaje yoo hojjachuu dhiise, kabajni inni Gooftaa Isaatif qabu gadi buâ€™a.

3ffaaâ€“ Maâ€™asiyyah- badii hojjachuunis qalbii irraa jaalalaa fi Kabaja Rabbiif qaban hirâ€™isa ykn haxaawa.

4ffaaâ€“ Nifaaqa- kana jechuun sharri dhoksuun keeyri mulâ€™isuu. Gubbaadhaa Muslimaa fakkaatanii keessatti kufrii dhoksuudha.

9ffaa-Tawhiinni Furtuu Jannataati

Namni tokko mana fooqi garmalee bareedaa taâ€™ee fi eeggumsa cimaa qabu seenu yoo barbaade, maal gochuu qabaa? Izni (hayyamaa) abbaa manaa irraa argachuu qabaa miti ree? Jannani bakka manneen garmalee babbareedoo fi qananii adda addaatin guuttamteedha. Akkasumas, eeggumsa cimaan tan eeggamteedha. Kan Jannata tana uumee fi eeggumsa (waardiya) itti godhee Rabbii guddadha. Kanaafu, Jannata tana seenuuf hayyama Rabbiin irraa argachuu barbaachisa. Rabbiin subhaanahu wa taâ€™aala Jannata tana akka seenan kan hayyamuuf namoota Isa qofa gabbaraniif. Kana jechuun warra tawhiida qabaniif (Isa tokkichoomsaniifi). Warri tawhida hin qabne gonkumaa Jannata seenu hin dandaâ€™an. Sababni isaas, Rabbiin hojii isaanii badaa (shirkii) waan hin jallanneef gonkumaa isaaniif hin hayyamu. Ati nama si arrabsu mana kee akka seenu ni hayyamtaa? Dhugumatti namni shirkii hojjatu Rabbii guddaa arrabsaa jiraa? Rabbiin ilma qaba jedhanii dubbachuu arrabsoo guddadha. Mee ilaali, ilma ati hin dhalchine/ hin deenne tokko osoo namoonni â€œekuni ilma keetiâ€•siin jedhanii hangam dallantaa? Kuni arrabsoo fi maqaa balleessu guddaa akka taâ€™eetti hin lakkoothu? Rabbii guddaa Tokkicha taâ€™een â€œeilma qabaâ€•jedhanii dubbachuu dubbiiakkam fokkattu ree! Kanaafi, namoonni Rabbiin irratti kijiba dubbatan yoo hin tawbatin gonkumaa Jannata Isaa hin seenan. Adabbii cimaatu isaaniif taâ€™a.

Faallaa kanaa, namoonni tawhiidaan Rabbiin qulqulleessan, jazaan isaanii Jannata. Qurâ€™aana keessatti:

â€œDhugumatti, isaan â€œGooftaan keenya Allaah dhaâ€•jedhanii, ergasii achirratti gadi dhaabbatan, [yeroo isaan duâ€™an] Malaaykoni isaan irratti bubbuaâ€™uun â€œHin sodaatinaa, hin gaddinaas; Jannata waadaa isiniif galameen gammadaa. Nuti jiruu duniyaa keessatti hiriyyota fi gargaartoota keessan turre; Aakhirattis akkasuma. Isiniif ishee (Jannata) keessa waan lubbuun teessan feetutu jira. Isiniif ishee keessa waan barbaaddantu jira. Affeerraa Rabbii Araaramaa, Rahmata godhaa taâ€™ee irraayyi.â€•[isaaniin jedhu]â€• Suuratu Fussilat 41:30-32

Warri kuni Gooftaan nu uume, nu sooru fi kunuunsu Allaah dha jechuun Isa Tokkichoomsan. Wanta Inni itti ajaje ni hojjatan, wanta Inni irraa dhoowwe ni dhiisan. Haala kanaan, qalbii ofii xurii shirkii fi badii irraa qulqulleessan. Jannani iddo qulqulluu waan taateef namoota qulqulluu taâ€™antu ishii seena. Qurâ€™aana keessatti ni jedha:

وَسِيقَ الَّذِينَ أَتَقْوَا رَبَّهُمْ إِلَى الْجَنَّةِ زُمَرًا حَتَّىٰ إِذَا جَاءُوهَا وَفُتِحَتْ
أَبْوَابُهَا وَقَالَ لَهُمْ خَرَّنْتُهَا سَلَامٌ عَلَيْكُمْ طِبُّتُمْ فَادْخُلُوهَا خَالِدِينَ ﴿٧٣﴾

â€œWarri Rabbii isaanii sodaatan gareedhaan gara Jannataa oofamu. Yeroma isaan ishiitti dhufanii balboonni ishii banaman, Waardiyoonni ishii, â€œNageenyi isin irra haa jiraatu, qulqulluu taatanii jirtu. Keessatti hafuu taâ€™aatii ishii (Jannata) seenaa.â€ Isaaniin jedhu.â€ Suuratu Az-Zumar 39:73

Warroonni Isa tokkichoomsu fi Isaaf ajajamuun Rabbiin sodaatan garee garee taâ€™uun Guyyaa Qiyaamaa walitti qabamuun gara Jannata oofamu. Garee gareen qoodamuun kuni iimaana fi hojii isaanii irratti hundaaâ€™a. Gareen hunduu gammadaa fi mirqaanaa gara Jannata qananiin guuttamte dhufu. Yommuu balbaloota Jannataa bira gahan Malaykoonni kabajaan harka isaan fuudhu (keessumeessu). Balbalonni isaaniif banamuun Waardiyoonni (Malaykoonni) akkana isaaniin jedhu, â€œNageenyi isin irra haa jiraatu.â€ Kana jechuun badii fi sharrii hunda irraa salaama (nagaha) taâ€™a. â€œqulqulluu taatanii jirtuâ€ Kana jechuun qalbiin teessan Rabbiin beekuun, Jaallachuu fi Isa sodaachuun qulqullofte (tolte), arrabni keessanis zikrii Isaatiin tole, qaamni keessanis Isaaf ajajamuun tole (qulqullaâ€™e). Sababa qulqulloftaniif ishii keessatti yeroo hundaa kan jiraattan taatanii Jannata seenaa. Sababni isaas, Jannani ganda warra qulqullaâ€™eti. Warra qulqullaâ€™e malee eenyullee ishiif hin malu.

Warri kuni Jannata keessa erga seenanii booda akkana jedhu:

وَقَالُوا الْحَمْدُ لِلَّهِ الَّذِي صَدَقَنَا وَعْدَهُ وَأَوْرَثَنَا الْأَرْضَ نَتَبَوَّءُ
مِنَ الْجَنَّةِ حَيْثُ نَشَاءُ فَنِعْمَ أَجْرُ الْعَمِيلِينَ ﴿٧٤﴾

â€œNi jedhan, â€œFaaruun hundi kan Rabbii waadaa Isaa dhugaa nuuf godhee fi dachii [Jannataas] nu dhaalchiseeti. Jannata keessa iddo barbaanne qubanna. Mindaan hojjattoota waa tole!â€™â€ Suuratu az-Zumar 39:74

Jannata keessa seenanii erga tasgabbaaâ€™anii booda Rabbii gammachuu fi qanani kanaan isaan gahe faarsu. â€œFaaruun hundi kan Rabbii waadaa Isaa dhugaa nuuf godhee fi dachii [Jannataas] nu dhaalchiseeti.â€ Kana jechuun yoo nuti amanee fi hojii gaggaarii hojjanne, Jannata arraba Ergamtoota Isaa irratti waadaa nuuf gale. Wanta waadaa nuuf galee, kunoo nuuf guutee jira. â€œJannata keessa iddo barbaanne qubanna.â€ Kana jechuun Jannata keessa iddo feene qubanna, qanani feene ishii keessatti nyaanna, wanti barbaannu tokkollee dhoorgamaa miti (kana hin tuqin jechuun wanti dhoowwamu hin jiru). â€œMindaan hojjattoota waa tole!â€ Kana jechuun warroota Gooftaa Isaaniitiif

ajajamuuf carraaqaniif mindaan isaanii ee waa bareede! Sababa isaan Gooftaa isaaniitiif ajajamaniif keeyri (wanta gaarii) guddaa yeroo hundaa turaa taâ€™e argatan[\[2\]](#) Rabbiin warra kana keessaa nu haa godhu.

Tawhiidni faayda lakkaawame hin dhumne qaba. Faaydaa isaa hanga kana erga beekne, waaâ€™ee tawhiidaa takka takkaan beekuf carraaqua qabna. Namni yoo waa beekee fi hojii irra oolche firii isaa argata. Ammaaf, faaydalee tawhiida asirratti dhaabna. Wa Aakhiru dawâ€™aanaa anilhamdulillahi Rabbil aalamiin.

Kitaabban wabii:

[\[1\]](#) Tafsiir Saâ€™diyy-fuula 858-859, Tafsiir ibn Kasiir 6/466

[\[2\]](#) Tafsiir Saâ€™diyy-fuula 859

**Fadaaâ€™ilu Tawhid- Muhsin bin Awada Al-Qaliisi

Date Created

July 2, 2019

Author

admin